

ԵՊՀ Իջևանի մասնաճյուղի բնական գիտությունների ֆակուլտետի գիտխորհրդի նիստի

6-ը մայիսի 2015թ.

Նախագահ՝ Մ. Ա. Զաքարյան

Քարտուղար՝ Հ. Ս. Գասպարյան

Ներկա էին խորհրդի 8 անդամներ: Հրավիրվել էին նաև ամբիոնների դասախոսներ և աշխատակիցներ:

ՕՐԱԿԱՐԳ

1. Ամբիոնի վարիչների հաշվետվություն:

/զեկ. Ա. Վ. Յուցուլյան, Ռ. Ռ. Քամալյան/

2. Ուսանողների բավարարվածության մակարդակը ուսումնառությունից և օժանդակ ծառայությունից:

/զեկ. Մ. Ա. Զաքարյան /

3. Ընթացիկ հարցեր:

ԼՍԵՑԻՆ- Ֆակուլտետի գիտխորհրդի նիստը բացեց և օրակարգը ներկայացրեց դեկանի ժ/պ, խորհրդի նախագահ Մ. Ա. Զաքարյանը:

Օրակարգը հաստատելուց հետո նիստի մասնակիցները անցան օրակարգի հարցերի քննարկմանը:

Նիստը վարում էր Մ. Ա. Զաքարյանը:

Օրակարգի առաջին հարցի մասին զեկուցումով հանդես եկավ Ընդհանուր մաթեմատիկայի և բնագիտության ամբիոնի վարիչի ժ/պ Ա. Վ. Յուցուլյանը: Նա ներկայացրեց ամբիոնում կատարված աշխատանքները, որոնք ըստ հաստատված ժամանակացույցի իրականացվել է. ժամանակին կազմվել և տրվել են ուսանողներին ընթացիկ քննությունների հարցաշարերը: Կազմակերպվել և անց են կացվել I կիսամյակի ընթացիկ ստուգումներն ու քննությունները: Ժամանակին և պատշաճ անց է կացվել I կիսամյակի քննաշրջանը: Ուսումնական պրոցեսը կազմակերպվել է դասացուցակի հիման

վրա, դասապրոցեսի խաթարում, դասաժամերի բաց թողում չի եղել: Այդ գործընթացում ներգրավվում է նաև մասնագիտության ուսումնական խորհրդատու Ք. Վ. Օթարյանը: Այժմ նախապատրաստական աշխատանքներ է տարվում II ընթացիկ ստուգումների, քննությունների և II կիսամյակի քննաշրջանի կազմակերպման համար: Նա ներկայացրեց, որ ամբիոնը դեկանատի հետ համատեղ իրականացրել և իրականացնում են ուսումնական գործընթացին համապատասխան արդյունավետ աշխատանք: Յուրաքանչյուր շաբաթվա չորեքշաբթի և ուրբաթ օրերին կազմակերպվում են ուսանողների զեկույց-ընթերցումներ:

ԱՐՏԱՀԱՅՏՎԵՑԻՆ- Հ. Ս. Գասպարյանը, Գ. Վ. Գուլակյանը և ուրիշներ: Նրանք համակարծիք էին ներկայացվածին և առաջարկեցին ամբիոնի կատարած աշխատանքը գնահատել „լավ,,:

ՈՐՈՇԵՑԻՆ-1. Ընդհանուր մաթեմատիկայի և բնագիտության ամբիոնի կատարած աշխատանքները գնահատել „լավ,,:

Այնուհետև խորհրդի նախագահ Մ. Ա. Զաքարյանը ձայնը տալիս է Ծրագրավորման և ինֆորմացիոն տեխնոլոգիաների ամբիոնի վարիչի Ժ/պ Ռ. Ռ. Քամալյանին:

Ռ. Ռ. Քամալյանը ներկայացրեց նորաստեղծ ամբիոնում իրականացված աշխատանքները կապված ուսումնական պրոցեսի հետ: Նա ևս ներկայացրեց, որ ժամանակին տրվել են ուսանողներին ընթացիկ քննությունների և ընթացիկ ստուգումների հարցաշարերը: Կազմակերպվել և անց են կացվել քննությունները: Քննաշրջանի արդյունքներով ակադեմիական պարտք ունեցող ուսանող չի գրանցվել: Ուսումնական պարապմունքները անց են կացվում դասացուցակի հիման վրա, դասաժամերի բացթողում չի եղել: Այնուհետև ամբիոնի վարիչը հայտնեց, որ դեկանատի հետ համատեղ աշխատանքը տալիս է իր դրական արդյունքը հաճախումների և ուսումնառության համակարգում: Նա ընդգծեց նաև որ իր նախաձեռնությամբ կազմակերպվել է ակնարկային դասախոսություն, որը անց է կացրել ԵՊՀ-ից հրավիրված դասախոս Սուրեն Բալիկյանը. „Ծրագրավորման ապահովման նախագծում, նախագծման ձևանմուշներ և հակաձևանմուշներ,, թեմայով:

ԱՐՏԱՀԱՅՏՎԵՑԻՆ- Ա. Ս. Սիմոնյանը, Ք. Վ. Օթարյանը, Հ. Ս. Գասպարյանը և ուրիշներ: Նրանք ներկայացրին, նորաստեղծ ամբիոնի ներդրումը ուսումնական պրոցեսում և մասնագիտության կայացման գործում՝ առաջարկեցին ամբիոնի կատարած աշխատանքը գնահատել լավ:

Այնուհետև ֆակուլտետի գիտխորհրդի նախագահը ներկայացրեց, որ չպետք է սահմանափակվել ձեռք բերածով և առաջարկեց ամբիոնի կատարած աշխատանքը գնահատել «լավ»:

ՈՐՈՇԵՑԻՆ-1. Ծրագրավորման և ինֆորմացիոն տեխնոլոգիաների ամբիոնի կատարած աշխատանքը գնահատել «լավ»:

Օրակարգի երկրորդ հարցի մասին խորհրդի նախագահ Մ. Ա. Զաքարյանը ներկայացրեց ուսանողների բավարարվածության մակարդակը, ուսումնառությունից: Ուսանողների հետ իրականացվում է ուսումնական կարգին համապատասխան աշխատանք: Այն յուրաքանչյուր ուսանողի կողմից ընկալվում է տարբեր: Ուսանողները բավարարված են նաև հաստատության օժանդակ ծառայություններից /համակարգչային մասնագիտական, լաբորատորիաներ, գրադարան/, որոնք պատրաստակամ են ուսանողների ցանկացած հարցերին պատշաճ պատասխան տալու:

ՈՐՈՇԵՑԻՆ-1. Հանձնարարել ամբիոններին ավելի ակտիվացնել ուսանողների և օժանդակ ծառայությունների կապը:

ՆԱԽԱԳԱՀ

ՔԱՐՏՈՒՂԱՐ

Մ. Ա. ԶԱՔԱՐՅԱՆ

Հ. Ս. ԳԱՍՊԱՐՅԱՆ